



## Kon pa introdusí bo mes ora bo yega na un **kas di famia** durante Enkuesta Sosial.

Bon dia mi nòmber ta **Jacinta Martina** mi ta un ekuestadó di **Ofisina Sentral di Statistik, CBS. (mustra badge).**

Mi a bini pa hasi sra/sr i sra/sr su famia algun pregunta riba diferente tema importante pa desaroyo di nos sosiedat bou di e nòmber **Enkuesta Sosial**.

### **Splika meta di Enkuesta Sosial :**

#### **Meta**

E meta di **Enkuesta Sosial** ta pa kolektá informashon aktual riba diferente temanan manera edukashon, trabou, salú, koheshon sosial, ICT, deporte, kultura, seguridad, pa asina por **krea òf aktualisá maneho** i tambe **lei** nan. Pero tambe ku e informashon kolektá nos por komprondé mas mihó kon nos ta biba, partisipá, i sinti nos mes den nos komunidad.

#### **Grupo di enfoke**

**Tur hende** ku ta forma parti di e kas di famia.

sra/sr tin tempu awor aki pa nos hasi e entrevista?

1. Si e respuesta ta “si”?

Si: Por kuminsa e proseso di entrevista.

2. Si e respuesta ta “no”?

Ta bolbe splika e importansia pa partisipá na Enkuesta Sosial (check meta nan ariba menshoná).

3. Si e respuesta ainda ta “no”?

Nos por traha un sita pa un otro momentu / dia?

a. Si e respuesta aki ta “si”?

Traha sita ku respondente

b. Si e respuesta aki tambe ta “no”?

I si no ta mira posibilidat pa konvense e respondente ta registrá e unidat domestiko ku e respondente ta pertenesa na dje komo un persona ku konsientemente no ke partisipá na Enkuesta Sosial (Harde weigering).

### **Splikashon meta di CBS**

Si e “respondente” puntra pa splika e meta di Ofisina Sentral di Statistik;

Ofisina Sentral di Statistik ta Informá komunidad riba e situashon demográfiko i sosial ekonómiko di Kòrsou pa medio di informashon estadistiko

### **Den kaso di deskonfiansa pa ku enkuestadó**

Si e “respondente” ta duda ku e enkuestadó ta enberdat un enkuestadó di CBS;

Enkuestadó ta mustra su badge pa laga mira su potret, nòmber i fam. Seguidamente enkuestadó ta pidi e respondente pa scan e Qr code riba e badge pa asina por confirmá ku enkuestado ta forma parti di e team di CBS.

Den kaso ku ta difisil pa e persona scan e QR code por pidi e persona pa yama CBS na 7241802/5202227 pa por confirmá ku enkuestadó ta forma parti di e team di CBS.

## **Den kaso ku respondente puntra si ta obligatorio pa partisipá na Enkuesta Sosial 2025**

**Si e ‘respondente’ hasi e pregunta tokante si e ta obligá pa partisipá na e enkuesta;**

Por splika e respondente ku e obligashon ei t’ei pa por garantisá ku CBS por haña mas tantu reakshon posibel, pa asina e resultadonan di e enkuesta por ta mas konfiabel.

Solamente si ta nesesario ta mustre riba Lei di Statistik )PB 2011, nr19). Si e mes ke lesa e lei e por download esaki via website di CBS [Statistical Act 2011 nr. 19](#) ([Statistieklandsverordening PB, 2011 nr.19](#)) | [Central Bureau of Statistics Curaçao \(cbs.cw\)](#)

**Den kaso ku respondente puntra tokante anonimidad**

**Si e ‘respondente’ hasi e pregunta tokante anonimidad di partisipashon;**

**Enkuestadó ta menshona Artikulo 5 di Lei di Statistik (PB 2011, nr 19)**  
**[Statistical Act 2011 nr. 19 \(Statistieklandsverordening PB, 2011 nr.19\) | Central](#)**

4. Na final di entrevista ta kaba dor di gradesí e persona i/òf e famia pa nan partisipashon;

Masha danki, Sra./Sr., pa bo koperashon. Nos ta apresia esaki hopi. Resultadoan di Enkuesta Sosial lo wordu publiká den medionan di prensa i tambe riba nos website: [www.cbs.cw](http://www.cbs.cw).

## Kon pa introdusí bo mes ora bo yega na un **kas di famia** durante Enkuesta Sosial ku ta bai bira panelista

Bon dia mi nòmber ta **Jacinta Martina** mi ta un ekuestadó di Ofisina Sentral di Statistik, CBS. (mustra badge).

Mi a bini pa hasi sra/sr i sra/sr su famia algun pregunta riba diferente tema importante pa desaroyo di nos sosiedat bou di e nòmber **Enkuesta Sosial**.

Un parti di Enkuesta Sosial ta konsistí di preguntanan tokante e tema di Labor. Pa e tema aki sra/sr su kas di famia a ser selektá pa forma parti di un panel pa e siguiente 3 añanan.

Durante e tres aña aki, bo ta risibí e lista di pregunta di Enkuesta Forsa Laboral digital via email. Di e forma aki bo ta sigui kontribuí ku CBS por pubiká sifranan konfiabel di e situashon di labor di Kòrsou. Pa bo partisipashon balioso aki lo bo risibí un rekompensa.